



Sud Bosne i Hercegovine
Суд Босне и Херцеговине

Broj: S1 3 Iž 038191 20 Iž
Sarajevo, 23.10.2020. godine

Sud Bosne i Hercegovine u Sarajevu, u Apelacionom upravnom vijeću, sastavljenom od sudija Dinke Bešliagić-Čovrk kao predsjednika vijeća, Srete Crnjak i Vesne Trifunović kao članova vijeća, odlučujući o žalbi Aleksandra Bogosavac, izjavljenoj na odluku Centralne izborne komisije Bosne i Hercegovine, broj: 05-1-07-1-997/20 od 01.10.2020. godine, o utvrđivanju i objavi broja birača upisanih u izvod iz Centralnog biračkog spiska za glasanje izvan Bosne i Hercegovine za Lokalne izbore 2020. godine, na nejavnoj sjednici održanoj dana 23.10.2020. godine donio je

R J E Š E N J E

Žalba se odbacuje.

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, je utvrđen i objavljen broj birača upisanih u izvod za glasanje izvan Bosne i Hercegovine za Lokalne izbore 2020. godine.

Žalitelj, putem email adrese acobogosavac@outlook.com izjavljuje žalbu u kojoj navodi da dostavlja spisak glasača za koje smatra da su predmet izbornih manipulacija, a nalaze se na spisku za glasanje iz inostranstva.

Centralna izborna komisija Bosne i Hercegovine dostavila je ovom sudu odgovor na žalbu u kojem je predložila da se izjavljena žalba odbaci kao nedopuštena.

Ispitujući ožalbenu odluku u okviru žalbenih navoda vijeće je zaključilo da žalba nije dopuštena.

Prema stanju u spisu ovo vijeće konstatuje da je CIK BiH donijela odluku broj: 05-1-07-1-997/20 od 01.10.2020. godine, kojom je i utvrđen broj birača upisanih u izvod iz Centralnog biračkog spiska za glasanje izvan BiH za Lokalne izbore 2020. godine i čiji sastavni dio je tabelarni prikaz sa ukupnim brojem registrovanih birača za glasanje izvan Bosne i Hercegovine, po općinama.

Sama činjenica da podnositelj žalbe ničim nije dokazao na koji način je ožalbenom odlukom povrijeđeno njegovo pravo ustanovljeno odredbama Izbornog zakona Bosne i Hercegovine, po zaključku ovog apelacionog vijeća, ukazuje da žalba nije dopuštena u smislu člana 6.2 stav (1) Izbornog zakona Bosne i Hercegovine. Naime, podnositelj žalbe samo izražava sumnje i indicije na nepravilnosti i mogućim zloupotrebama, a koje ničim ne dokazuje, niti potkrepljuje.

Imajući u vidu naprijed navedeno, kao i činjenice da žalba nije potpisana i te da podnositelj žalbe nije dostavio punomoć niti od jednog birača navedenog u žalbi da u njegovo ime izjavi žalbu na pobijanu odluku, to je ovo vijeće istu odbacilo kao nedopuštenu analognom primjenom odredbe člana 52. stav 1. Zakona o upravnim sporovima Bosne i Hercegovine (Sl.glasnik BiH, broj: 19/02 do 83/08).

**PREDSJEDNIK VIJEĆA
S U D I J A**

Dinka Bešlagić-Čovrk